

# შსს სსიპ დაცვის პოლიციის დეპარტამენტი



## სატენდერო დოკუმენტაცია

50720000 - ცენტრალური გათბობის შეკეთება და ტექნიკური მომსახურება

## გამარტივებული ელექტრონული ტენდერი

---

სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ. თბილისი  
2016 წ.

### 1. შესყიდვის ობიექტი:

გათბობის სისტემების ტექნიკური მომსახურება (პრეისკურანტის შესაბამისად).

### 2. შესყიდვის ობიექტის მიწოდების ვადები:

ხელშეკრულების გაფორმებიდან 2017 წლის 1 იანვრიდან 2017 წლის 31 დეკემბრამდე, კონკრეტული მოთხოვნიდან არაუმეტეს 5 (ხუთი) კალენდარული დღის ვადაში (მოთხოვნა შესაძლებელია განხორციელდეს ელექტრონული ფოსტის მეშვეობით).

### 3. შესყიდვის ობიექტის მიწოდების ადგილი:

- დაცვის პოლიციის დეპარტამენტის დაქვემდებარებული დანაყოფები (შიდა ქართლისა და სამცხე-ჯავახეთის რეგიონი, ქ. გორი, ახალქალაქი, ახალციხე, ბორჯომი, ბაკურიანი) .

#### შენიშვნა:

- შემსყიდველის მოთხოვნის შემთხვევაში, მხარეების ურთიერთშეთანხმების საფუძველზე, პრეტენდენტმა შესაძლებელია გაუწიოს მომსახურება დაცვის პოლიციის რეგიონალურ დანაყოფებს, საქართველოს მასშტაბით).

### 4. პრეტენდენტი ვალდებულია:

4.1 უზრუნველყოს გაწეული მომსახურების გარანტია არანაკლებ 1 წლის ვადით, რომელიც აითვლება მომსახურების გაწევის დღიდან.

4.2 მოწოდებული მომსახურების საგარანტიო ვადის მოქმედების პერიოდში, სახელშეკრულებო და შემსყიდველის მიერ დადგენილ პირობებთან, ხარვეზის, არა შემსყიდველის ბრალეულობით დაზიანების შემთხვევაში, შემსყიდველი უფლებამოსილია მოითხოვოს გამოვლენილი ნაკლის ან ხარვეზის გამოსწორება (თუ ეს შესაძლებელია) ან შეცვლა ახლით **15 დღის ვადაში**. აღნიშნულის შესახებ „შემსყიდველი“ ატყობინებს „მომწოდებელს“ წერილობით ან/და კომუნიკაციის ელექტრონული საშუალებებით (ელექტრონული ფოსტის მეშვეობით), მომწოდებლის წინადადებაში წარმოდგენილ რეკვიზიტებში მითითებულ ელ. ფოსტის მისამართზე. შეტყობინების გაგზავნის მომდევნო დღიდან აითვლება ხარვეზის გამოსწორების **15 დღიანი ვადა**.

4.3 „მომწოდებელმა“, ყოველგვარი წინა პირობის გარეშე, გონივრულ, მაგრამ **არაუმეტეს 15 (თხუთმეტი) კალენდარული** დღის ვადაში, უნდა უზრუნველყოს ნაკლოვანებების აღმოფხვრა ან შეცვლა ახლით. ხარვეზის გამოსწორებამდე შემსყიდველი უფლებამოსილია უარი თქვას ხელშეკრულებით გათვალისწინებული სანაცვლო ვალდებულებების შესრულებაზე (მომწოდებული მომსახურების თანხის ანაზღაურება და სხვა).

4.4 **15 დღიანი ვადის გასვლის შემდეგ**, ხარვეზის აღმოფხვრელობის შემთხვევაში, (15 დღიანი ვადის ამოწურვამდე მიმწოდებელმა წერილობით უნდა აცნობოს შემსყიდველს აღნიშნულის შესახებ) შემსყიდველი მიმწოდებელს დააკისრებს ჯარიმას ხელშეკრულების ღირებულების 0,2 %-ის ოდენობით ყოველ ვადაგადაცილებულ დღეზე.

4.5 თუ ნაკლოვანებების აღმოფხვრის 15 დღიანი ვადის გასვლის შემდეგ, დარიცხული პირგასამტეხლოს ჯამური ოდენობა გადააჭარბებს სახელშეკრულებო ღირებულების 5%-ს, მიმწოდებლის მხრიდან აღნიშნული ჩაითვლება ხელშეკრულებით ნაკისრი ვადლებულებების შეუსრულებლობად.

4.6 სატენდერო წინადადების ფასი წარმოადგინოს მხოლოდ ლარებში, საერთო და ერთეულის ფასი უნდა შეიცავდეს როგორც შესყიდვის ობიექტის მიწოდებასთან დაკავშირებულ ყველა ხარჯს, ასევე საქართველოს კანონმდებლობით გათვალისწინებულ ყველა გადასახადს. (დ.დ.გ ჩათვლით)

4.7 პრეტენდენტის მიერ წარმოდგენილი წინადადების ფასი არ უნდა აღემატებოდეს პრეისკურანტის სავარაუდო ღირებულებას და ელექტრონული ვაჭრობის შედეგად წინადადების ფასის კლება შესაძლებელია განხორციელდეს მხოლოდ პრეისკურანტის სავარაუდო ღირებულებასთან მიმართებაში.

4.8 პრეტენდენტის მიერ შესყიდვის ერთიან ელექტრონული სისტემის მეშვეობით წარმოდგენილ პრეისკურანტში მითითებული ერთეულის ფასები არ უნდა აღემატებოდეს შემსყიდველის მიერ პრეისკურანტის შესაბამის გრაფაში მითითებულ ერთეულის სავარაუდო ფასებს.

4.9 პრეტენდენტის მიერ ელექტრონული ვაჭრობის შედეგად პრეისკურანტის საერთო ფასის შემცირების შემთხვევაში, ფასთა კლება პროცენტულად და პროპორციულად უნდა აისახოს პრეისკურანტის მოცემული ჩამონათვალის ერთეულის ფასებზე.

4.6 გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 2<sup>1</sup> პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტი დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, 3 (სამი) სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

## 5. პრეტენდენტის მიერ სისტემაში ასატვირთი დოკუმენტაცია:

5.1 დანართი №1 (რეკვიზიტები), ხელმოწერილი და ბეჭდით დადასტურებული შესაბამისი უფლებამოსილი პირის მიერ.

5.2 დანართი №2 (პრეისკურანტი), ხელმოწერილი და ბეჭდით დადასტურებული შესაბამისი უფლებამოსილი პირის მიერ.

5.3 შენიშვნაში არსებული გაზზე მომუშავე საქვაბე დანადგარების ექსპულატაცია უნდა განხორციელდეს შესაბამისი კვალიფიკაციის მქონე ტექნიკური პერსონალით, რომლებსაც გავლილი აქვთ გაზიფიცირებულ საქვაბეში მომუშავე გაზოპერატორების სასწავლო კურსები და სისტემაში ატვირთულ უნდა იქნას შესაბამისი მოწმობა (სერთიფიკატი).

### შენიშვნა:

- რეკვიზიტების, მათ შორის ელექტრონული ფოსტის მისამართის შეცვლის შემთხვევაში, „მომწოდებელი“ ვალდებულია დაუყოვნებლივ აცნობოს „შემსყიდველს“ განხორციელებული ცვლილების შესახებ. რეკვიზიტებში (ელ.ფოსტის მისამართის შეცვლის) განხორციელებული ცვლილების „შემსყიდველისათვის“ შეუტყობინებლობის შემთხვევაში, ელექტრონული ფოსტით ან მისამართზე გაგზავნილი წერილი ჩაითვლება გაგზავნილად.

6. პრეტენდენტები ვერ გაივლიან შერჩევას თუ მათ მიერ წარმოდგენილი სატენდერო წინადადება არ შეესაბამება სატენდერო დოკუმენტაციისა და/ან სატენდერო განცხადების მოთხოვნებს, გარდა იმ შემთხვევისა, როდესაც სატენდერო წინადადება შეიცავს ისეთ უზუსტობებს, რომლის შემდგომი წარმოდგენა ან/და დაზუსტება არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე. პრეტენდენტმა აღნიშნული უზუსტობები უნდა წარმოადგინოს შემსყიდველის მიერ შეტყობინების გაგზავნიდან არაუმეტეს 3 (სამი) სამუშაო დღეში.

7. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტატარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.

8. სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არარსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

9. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

10. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

11. სატენდერო წინადადება წარმოდგენილი უნდა იყოს ქართულ ენაზე.

#### **11. სახელმწიფო შესყიდვის დაფინანსების წყარო:**

სსიპ დაცვის პოლიციის დეპარტამენტის 2017 წლის საკუთარი სახსრები.

#### **12. ანგარიშსწორების პირობები:**

12.1 ანგარიშსწორება განხორციელდება უნაღდო ანგარიშსწორებით, ლარებში, მიმწოდებლის საბანკო ანგარიშზე, მიღება-ჩაბარების აქტის გაფორმებიდან **10 (ათი) სამუშაო დღის** ვადაში. გადახდის წინასწარი მექანიზმი არ გამოიყენება.

12.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში, შემსრულებელს ეკისრება პირგასამტეხლო, ყოველ ვადაგადაცილებულ დღეზე, **ხელშეკრულების ღირებულების 0,2%-ის** ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

12.3. მომსახურების მიწოდების ვადის 10-ზე მეტი სამუშაო დღით გადაცილების შემთხვევაში შემსყიდველ ორგანიზაციას უფლება აქვს შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების ღირებულების 20% ოდენობით.

#### **დამატებითი ინფორმაცია:**

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, დავით აღმაშენებლის ხეივანი, მე-11 კილომეტრი, დაცვის პოლიციის დეპარტამენტი, საკონტაქტო პირი: მიხეილ წიკლაური ტელ: 591 70 63 43; ელ-ფოსტა: m.tsiklauri@spd.ge

#### **დანართი №1**

#### **რეკვიზიტები:**

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

პრეტენდენტის ოფისის/მობილურის ტელეფონის ნომერი:

ელექტრონული მისამართი:

საიდენტიფიკაციო კოდი:

ბანკის დასახელება:

ბანკის კოდი:

საბანკო ანგარიშის ნომერი:

სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

---

(თანამდებობა, სახელი, გვარი)

---

(ხელმოწერა)

# სახელმწიფო შესყიდვის ხელშეკრულება №-----

## გამარტივებული ელექტრონული ტენდერი

(CPV 50720000)

SPA-----

ქ. თბილისი

----- 2017 წელი

### 1. ხელშეკრულების დამდები მხარეები

საქართველოს შინაგან საქმეთა სამინისტროს ს.ს.ი.პ. დაცვის პოლიციის დეპარტამენტი, შემდგომში „შემსყიდველი“, წარმოდგენილი მისი თავმჯდომარის ----- სახით და

(მიმწოდებელი), შემდგომში „მიმწოდებელი“, წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ რა „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

### 2. ხელშეკრულების საგანი

შსს სსიპ დაცვის პოლიციის დეპარტამენტის მიერ გამარტივებული ელექტრონული ტენდერის მეშვეობით გათბობის სისტემების ტექნიკური მომსახურების შესყიდვა (პრეისკურანტის შესაბამისად).

### 3. ხელშეკრულების ღირებულება

3.1 ხელშეკრულების ღირებულებაა ----- (-----) ლარი და 00 თეთრი.

3.2 ხელშეკრულების ღირებულება მოიცავს, როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 შესყიდვა ხორციელდება სსიპ დაცვის პოლიციის დეპარტამენტის 2017 წლის საკუთარი სახსრებით.

### 4. მხარეთა უფლება-მოვალეობები

4.1 შემსრულებელი ვალდებულია:

- ა) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- ბ) მომსახურების მიმდინარეობის პროცესი უზრუნველყოს შესაბამისი რესურსით;
- გ) ხელი შეუწყოს შემსყიდველს ინსპექტირების განხორციელებისას;
- დ) უზრუნველყოს ხელშეკრულებით გათვალისწინებული სხვა ვალდებულებების განხორციელება.

4.1 შემსყიდველი ვალდებულია:

- ა) უზრუნველყოს მომსახურების კონტროლი და დადებითი შეფასების შემთხვევაში მისი მიღება;
- ბ) უზრუნველყოს ხელშეკრულებით გათვალისწინებული სხვა ვალდებულებების განხორციელება.

### 5. მომსახურების მიწოდების ადგილი და ვადა

5.1 დაცვის პოლიციის დეპარტამენტის დაქვემდებარებული დანაყოფები (შიდა ქართლისა და სამცხე-ჯავახეთის რეგიონი, ქ. გორი, ახალქალაქი, ახალციხე, ბორჯომი, ბაკურიანი). შემსყიდველის მოთხოვნის შემთხვევაში, მხარეების ურთიერთშეთანხმების საფუძველზე, პრეტენდენტმა შესაძლებელია გაუწიოს მომსახურება დაცვის პოლიციის რეგიონალურ დანაყოფებს, საქართველოს მასშტაბით.

5.2. წინამდებარე ხელშეკრულებით გათვალისწინებული მომსახურება განახორციელოს 2017 წლის 1 იანვრიდან 2017 წლის 31 დეკემბრამდე მოთხოვნიდან არაუმეტეს 5 (ხუთი) კალენდარული დღის ვადაში (მოთხოვნა განხორციელდება ელექტრონული ფოსტის მეშვეობით).

## 6. მომსახურების ხარისხი და გარანტია

6.1 მომსახურება უნდა იყოს მაღალი ხარისხის, შეესაბამებოდეს მოთხოვნებს სატენდერო მოთხოვნებს.

6.2 შემსრულებელი ვალდებულია უზრუნველყოს გაწეული მომსახურების გარანტია 1 წლის ვადით, რომელიც აითვლება მომსახურების გაწევის დღიდან.

6.3 მოწოდებული მომსახურების საგარანტიო ვადის მოქმედების პერიოდში, სახელშეკრულებო და შემსყიდველის მიერ დადგენილ პირობებთან, ხარვეზის, არა შემსყიდველის ბრალეულობით დაზიანების შემთხვევაში, შემსყიდველი უფლებამოსილია მოითხოვოს გამოვლენილი ნაკლის ან ხარვეზის გამოსწორება (თუ ეს შესაძლებელია) ან შეცვლა ახლით **15 დღის ვადაში**. აღნიშნულის შესახებ „შემსყიდველი“ ატყობინებს „მომწოდებელს“ წერილობით ან/და კომუნიკაციის ელექტრონული საშუალებებით (ელექტრონული ფოსტის მეშვეობით), მომწოდებლის წინადადებაში წარმოდგენილ რეკვიზიტებში მითითებულ ელ. ფოსტის მისამართზე. შეტყობინების გაგზავნის მომდევნო დღიდან აითვლება ხარვეზის გამოსწორების **15 დღიანი ვადა**.

6.4 „მომწოდებელმა“, ყოველგვარი წინა პირობის გარეშე, გონივრულ, მაგრამ **არაუმეტეს 15 (თხუთმეტი) კალენდარული** დღის ვადაში, უნდა უზრუნველყოს ნაკლოვანებების აღმოფხვრა ან შეცვლა ახლით. ხარვეზის გამოსწორებამდე შემსყიდველი უფლებამოსილია უარი თქვას ხელშეკრულებით გათვალისწინებული სანაცვლო ვალდებულებების შესრულებაზე (მოწოდებული მომსახურების თანხის ანაზღაურება და სხვა).

6.5 **15 დღიანი ვადის გასვლის შემდეგ**, ხარვეზის აღმოფხვრელობის შემთხვევაში, (15 დღიანი ვადის ამოწურვამდე მიმწოდებელმა წერილობით უნდა აცნობოს შემსყიდველს აღნიშნულის შესახებ) შემსყიდველი მიმწოდებელს დააკისრებს ჯარიმას ხელშეკრულების ღირებულების 0,2 %-ის ოდენობით ყოველ ვადაგადაცილებულ დღეზე.

6.6 თუ ნაკლოვანებების აღმოფხვრის 15 დღიანი ვადის გასვლის შემდეგ, დარიცხული პირგასამტეხლოს ჯამური ოდენობა გადააჭარბებს სახელშეკრულებო ღირებულების 5%-ს, მიმწოდებლის მხრიდან აღნიშნული ჩაითვლება ხელშეკრულებით ნაკისრი ვადლებულებების შეუსრულებლობად.

## 7. ხელშეკრულების შესრულების კონტროლი

7.1 შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, მათ შორის საქონლის ხარისხის კონტროლი.

7.2 შემსყიდველი უფლებამოსილია განახორციელოს კონტროლი ხელშეკრულების შესრულებაზე, რისთვისაც გამოყოფს უფლებამოსილ პირს.

7.3 შემსყიდველის შესაბამისი წარმომადგენელი (წარმომადგენლები) უფლებამოსილია ჩაატაროს ხარისხის კონტროლი და თუ აღმოჩნდება გაწეული მომსახურება უხარისხო, შემსრულებელი ვალდებულია შემსყიდველის წერილობითი შეტყობინებით დადგენილ ვადებში შემსყიდველს გაუწიოს ხარისხიანი მომსახურება ან თუ შემსრულებელი ვერ შეძლებს ხარისხიანი მომსახურების გაწევას და შემსყიდველს გადახდილი აქვს ამ უხარისხო მომსახურების ღირებულება, შემსრულებელი ვალდებულია მოახდინოს აღნიშნული უხარისხო მომსახურების ღირებულების დაბრუნება.

7.4 შემსრულებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა მომსახურების პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

## 8. მომსახურების მიღება-ჩაბარების წესი

8.1 გაწეული მომსახურების, მათ შორის ეტაპობრივის, მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელის მოწერით.

8.2 მომსახურების მიღებას აწარმოებს სსიპ დაცვის პოლიციის დეპარტამენტის და რეგიონალური დანაყოფების უფლებამოსილი პირი.

8.3 თუ მიღება-ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიწოდების ვადის გადაცილებად.

## 9. ანგარიშსწორება

9.1 ანგარიშსწორების ვალუტა – ლარი.

9.2 ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.3 ანგარიშსწორება განხორციელდება უნაღდო ანგარიშსწორებით, ლარებში, მიმწოდებლის საბანკო ანგარიშზე, მიღება-ჩაბარების აქტის გაფორმებიდან **10 (ათი) სამუშაო დღის** ვადაში. გადახდის წინასწარი მექანიზმი არ გამოიყენება.

9.4 ანგარიშსწორება განხორციელდება ამ მუხლის 8.1 პუნქტით გათვალისწინებულ დოკუმენტების შესაბამისად.

9.5 თუ ანგარიშსწორება უნდა შესრულდეს განსაზღვრულ დღეს და ეს დღე ემთხვევა არასამუშაო დღეს, მაშინ ანგარიშსწორება შესაძლებელია განხორციელდეს მომდევნო სამუშაო დღეს.

## 10. პასუხისმგებლობა ხელშეკრულების პირობების შეუსრულებლობისათვის

10.1 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში, შემსრულებელს ეკისრება პირგასამტეხლო ყოველ ვადაგდაცილებულ დღეზე, **ხელშეკრულების ღირებულების 0,2%-ის** ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

10.2 მომსახურების მიწოდების ვადის 10-ზე მეტი სამუშაო დღით გადაცილების შემთხვევაში შემსყიდველ ორგანიზაციას უფლება აქვს შეწყვეტოს ხელშეკრულება და დააკისროს მიმწოდებელს პირგასამტეხლო ხელშეკრულების ღირებულების 20% ოდენობით.

10.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

## 11. ხელშეკრულებაში ცვლილების შეტანა

11.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კოდექსის 398-ე მუხლით გათვალისწინებული შემთხვევებისა.

ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 12. ხელშეკრულების შეწყვეტა

12.1 შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ, მიმწოდებლის მიერ ხელშეკრულების პირობების შეუსრულებლობის შემთხვევაში.

12.2 შემსყიდველსა და მიმწოდებელს შორის ურთიერთ შეთანხმების საფუძველზე, სემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.3 შემსყიდველი ხელშეკრულების სრული ან ცალკეული შეწყვეტის გადაწყვეტილების მიღებისას ვალდებულია შეატყობინოს მიმწოდებელს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე.

## 13. ფორს-მაჟორი

13.1 მიმწოდებლის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი, გარდა 13.3 პუნქტისა.

13.2 ამ მუხლის მიზნებისთვის “ფორს-მაჟორი” ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ მიმწოდებელი შემსყიდველის მხრიდან არ მიიღებს წერილობით პასუხს, იგი აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 14. დავების გადაწყვეტის წესი

14.1 შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოავარონ ყველა უთანხმოება და დავა, წარმოქმნილი ხელშეკრულების ან მასთან დაკავშირებული კომპონენტის ირგვლივ.

14.2 თუ მოლაპარაკებების დაწყების დღიდან 30 დღის განმავლობაში შემსყიდველი და მიმწოდებელი ვერ შეძლებენ სადაო საკითხების შეთანხმების მოგვარებას, მხარეებს შეუძლიათ დადგენილი წესით მიმართონ სასამართლოს კანონმდებლობით დადგენილი წესის შესაბამისად.

## 15. ინტერესთა კონფლიქტი

შემსყიდველის მხრიდან ხელშეკრულებაზე ხელმოწერი პირი “სახელმწიფო შესყიდვების შესახებ” საქართველოს კანონის მე-8 მუხლის შესაბამისად წინამდებარე ხელშეკრულებაზე ხელმოწერით ადასტურებს, რომ მისი მონაწილეობა აღნიშნულ შესყიდვაში არ იწვევს ინტერესთა კონფლიქტს.



## 16. დამატებითი პირობები.

16.1 წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე და ინახება ერთი “შემსყიდველთან” და ერთი “მიმწოდებელთან”.

16.2 წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულუფლებიანი წარმომადგენლის მიერ.

## 17. ხელშეკრულების მოქმედების ვადა

17.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2018 წლის 31 იანვრის ჩათვლით.

17.2 ხელშეკრულების მოქმედების ვადის დასრულება/ან შეწყვეტა არ ანთავისუფლებს მხარეებს ხელშეკრულების მოქმედების პერიოდში ნაკისრი ვალდებულებებისგან.

## 18. მხარეთა რეკვიზიტები

ს.ს.ი.პ. დაცვის პოლიციის  
დეპარტამენტი, თავმჯდომარე

მიმწოდებელი  
დირექტორი

-----

-----